

摘藻堂四庫全書薈要

集部

欽定四庫全書薈要卷一萬九千四十一

集部

御定佩文齋詠物詩選卷四百十九

猩猩類

附萬萬

四言古

猩猩贊

晉

郭璞

能言之獸是謂猩猩厥狀似猴號音若嬰自然知往頗識物情

萬萬贊

郭璞

萬萬怪獸披髮操竹獲人則笑脣蓋其目終亦號咷反
為我戮

七言絕句

送蜀客

唐張籍

蜀客南行祭碧雞
木棉花發錦江西
山橋日晚行人少
時見猩猩樹上啼

送僧南遊

唐方干

三秋萬里五谿行
風裏孤雲不計程
若念猩猩解言語

放生先合放猩猩

竹枝詞

明
王叔承

綠酒娟娟白玉瓶
醪醑花發語猩猩
竹枝歌斷人無那
十二峰頭暮雨青

御定佩文齋詠物詩選卷四百十九

欽定四庫全書薈要卷一萬九千四十二集部

御定佩文齋詠物詩選卷四百二十

雜獸類

四言古

比肩獸贊

晉
郭璞

蟹與駢虛乍兔乍鼠長短相濟彼我俱舉有若自然同
心共膂

五言古

有獺吟

唐
劉禹錫

有獺得嘉魚自謂天見憐先祭不敢食捧鱗望青玄人
立寒沙上心專眼悁悁漁翁以為妖舉塊投其咽呼兒
貫魚歸與獺同烹煎關關黃金鸚大翅搖江煙下見盈
尋魚投身擘洪漣攫拏隱嶙去哺雛林岳巔鵠鳥欲伺
隙遙噪莫敢前長居青雲路彈射無由緣何地無江湖
何水無鮪鱸天意不宰割非祭徒虔虔空餘知禮重載
在淹中篇

胡克遜

北地獸名

明

湯顯祖

人言西北邊有獸名為遜性不喜獸鬪逡巡解其困獵者知如此設鬪日馴近相愁來解紛陰遭此人刀食肉寢其皮似貂花文嫩西州貴將吏茵褥厚常寸萬萬笑何憫猩猩啼莫恨此獸仁有禮錯莫身為殉世有麒麟皮為鞵復何問

五言律

題追獬圖

明

周敘

朝罷鳴弰動終南
校獵遊追獮應適
意銜檠却忘憂
日入黃雲暮風生
碧草秋從官無諫
疏老去憶韓休

御定佩文齋詠物詩選卷四百二十

欽定四庫全書薈要卷一萬九千四十三集部

御定佩文齋詠物詩選卷四百二十一

總禽鳥類

四言古

歸鳥

晉
陶潛

翼翼歸鳥載翔載飛雖不懷遊見林情依遇雲頔顏相
鳴而歸遐路誠悠性愛無遺

其二

翼翼歸鳥戢羽寒條遊不曠林宿則森標晨風清興好
音時交矰繳奚施已卷安勞

五言古

送劉散員同賦陳思王詩得好鳥鳴南枝

唐

劉斌

春林已自好時鳥復和鳴枝交難奮翼谷靜易流聲間
關纔得性矰繳遽相驚安知背飛遠拂霧獨晨征

舟中聞春禽寄江陰包鶴洲

明

楊基

山中無音樂絲竹在禽鳥嚶嚶呼春晴嚦嚦報春曉嬌
吟與柔哢圓滑鬪新巧知君在山中樂此長不少疎籬
密竹外深澗綠樹表青鞵踏花影信步聽未了歸去聞
箏聲應怪銀甲小我來行一月風雨春江渺今朝豁晴
霽孤禽破幽悄鏗如女媧笙忽作餘音嫋平生黃鐘耳
直欲辨分秒萬事付松風翛然坐秋草

神龍祠旁二鳥

明
王履

祠邊兩小鳥相依道人室厨中炊飯香即至不一失啄

栗就掌內了無猜與栗歲月知幾何相忘祇如一乃知
豚魚信固自我所出幽幽入靜極籟盡山空虛我輩若
不來鳥外其誰歟形性本不同形性本不異回首看流
雲悠然似吾意

七言古

附長短句

啼鳥

宋

歐陽修

深山候至陽氣生百物如與時節爭官居荒涼草樹密
撩亂紅紫開繁英花深葉暗耀朝日日暖衆鳥皆嚶鳴

鳥言我豈解爾意綿蠻但愛聲可聽南窓睡多春正美
百舌未曉催天明黃鸝顏色已可愛舌端姪姀如嬌嬰
竹林靜啼青竹筍深處不見惟聞聲陂田繞郭白水滿
戴勝穀穀催春耕誰謂鳴鳩拙無用雄雌各自知陰晴
雨聲瀟瀟泥滑滑草深苔綠無人行獨有花上提葫蘆
勸我沽酒花前傾其餘百種各嘲啗異鄉殊俗難知名
我遭讒口身落此每聞巧舌宜可憎春到山城苦寂寞
把盞常恨無娉婷花開鳥語輒自醉醉與花鳥爲友朋

花能嫣然顧我笑鳥勸我飲非無情身閒酒美惜光景
惟恐鳥散花飄零可笑靈均楚澤畔離騷憔悴愁獨醒

鳥啼

宋

陸游

野人無歷日鳥啼知四時二月聞子規春耕不可遲三
月聞黃鸝幼婦憫蠶飢四月鳴布穀家家蠶上簇五月
鳴鴉舅苗穉憂草茂人言農家苦望晴復望雨樂處誰
得知生不識官府葛衫麥飯有即休湖橋小市酒如油
夜夜扶歸常爛醉不怕行逢灞陵尉

王若水爲畫秋江衆禽圖

明 袁 凱

錢唐王宰心思長欲與造化爭毫芒下筆百鳥相趨蹌
前身豈是孤鳳皇江頭芙蓉花正開花下細浪亦縈洄
鴛鴦貼貼天際來雄雌相隨氣和諧一雙鴛鴦睡沙尾
野鳬翩翩唼菰米羣鷗爭浴故未已傾落枯荷葉中水
脊令飛飛多急難睢鳩意度誠幽閒乃知良工有深意
不在丹青形似間姑蘇臺前秋氣孤五羊城下煙疎疎
此時此景真相似獨少扁舟歸釣魚宰也如今成老夫

愛我不辭爲此圖我今親老無可養慎勿重添反哺烏

畫禽

明

李東陽

高樓野雀低飛燕長在峰頭與谿面竹雞啼徹雨初晴
山脚泥深路如綫崖根老樹回餘青樹間雙鵲閒無聲
祇應識得山中樂無復人間送喜情

四禽圖

李東陽

空山雨過枇杷樹黃顙累累不知數金衣公子正多情
驚墮金丸欲飛去海柳花殘紅子新沙上見鷺來往頻

每從水淺花深處遙見隔花臨水人
山禽關關水禽語
脈脈幽期似相許莫負天晴日暖時
一春江上多風雨

其二

江南山深冬日暖湖水無斯湖水滿
幽林晚徑斷人行
落盡梅花春不管山茶花發爭芳菲
翠翎蠟嘴相光輝
煙生錦嶼寒猶戀雪滿銀塘夜未歸
疎林落羽紛凌亂
回首青霄各分散谿上鴛鴦獨有情
春來久去長爲伴

其三

珊瑚出海海見底誰掣長竿臨海水黑風吹霧卷冥濛
化作禽飛向空起北人未熟南禽名嶺外方言如鳥聲
由來珍異非國寶須識君王却貢情

春谿聚禽圖

明

吳寬

春谿遠發春山中一夜好雨谿流通綠波泛漲渺無際
但見桃花千點紅鴛鴦鸕鷀何容與散亂中流錦爲羽
倉庚獨似避遊人去踏花枝落紅雨草深哺子芳洲晴
葉暗仍聞求友聲展圖便有會心處放棹欲作春谿行

玄裳縞衣彼何者爲戀高松倚平野莫論鴻鵠志安知
名字俱標在埤雅

五言律

春鳥詩送元秀才入京

唐

顧況

春來繡羽齊暮向竹林棲禁苑銜花出河橋隔樹啼尋
聲知去遠顧影念飛低別有無巢燕猶窺幕上泥

生春

唐

元稹

何處生春早春生鳥思中鵲巢移舊歲戴羽旋高風鴻

鴈鷺沙暖鴛鴦愛水融最憐雙翡翠飛入小梅叢

北禽

唐

李商隱

爲戀巴江暖無辭瘴霧蒸縱能朝杜宇
可得值蒼鷹石小虛填海蘆鈿未破矰
知來有乾鵲何不向雕陵

聞鳥

明

龔用卿

入戶聞啼鳥芳園三五家竹陰苔沒砌
庭靜蝶爭花籬菊春芽茁亭槐午影斜
憑高遙送目夕照數歸鴉

鳥散餘花落

明

皇甫汈

春來啼鳥伴相逐
百花中栖處迷深綠
飛時帶淺紅
祇惜香沾羽
非關嬌惹風
回看意不盡
猶自戀芳叢

五言排律

鳥散餘花落

唐

趙存約

春曉遊禽集幽庭
幾樹花坐來驚艷色
飛去墮晴霞翅
拂繁枝落風添舞影
斜彩雲飄玉砌絳
雪下仙家分散
音初靜凋零蕊帶葩
空堦瞻玩久應共惜年華

賦得好鳥鳴南枝

唐

鄭袞

養翮非無待遷喬信自卑影高遲日度聲遠好風隨雲
拂千尋直花催百轉奇驚人時向晚求友聽應知委質
經三歲先鳴在一枝上林如可託弱羽願差池

鳥散餘花落

唐

竇洵直

晚樹春歸後花飛鳥下初參差分羽翼零落滿空虛風
外清音轉林邊艷影疎輕盈疑雪舞彷彿似霞舒萬片
情難極遷喬思有餘微臣一何幸吟賞對宸居

七言律

中夜聞啼禽

唐

吳融

漠漠蒼蒼未五更宿禽何處兩三聲若非西澗回波觸
即是南塘急雨驚金屋獨眠堪寄恨商陵永訣更牽情
此時歸夢隨腸斷半壁殘燈閃閃明

翫水禽

唐

韓偓

兩兩珍禽渺渺谿翠衿紅掌淨無泥向陽眠處莎成毯
踏水飛時浪作梯依倚雕梁輕社燕抑揚金距笑晨雞
勸君細認漁翁意莫遣絙羅誤穩棲

提刑司勲示及暝禽圖作詩詠之

宋文同

朱華盛發穿疎竹寒枿齊枯徧野磯大雪蔽天方亂下
衆禽爭地各相依非公好事誰能得此畫如今自己稀
試待晴明挂軒壁定開羣眼一時飛

鳥聲

明邵寶

一鳥不鳴山可憐更憐鳴鳥過檐前友聲信有如鶯語
喜報曾聞是鵲傳南國音成非別調北窗夢醒正閒眠

近來習靜心初定獨把無聲寄五絃

五言絕句

浴浪鳥

唐

盧照鄰

獨舞依磐石羣飛動輕浪奮迅碧沙前長懷白雲上

九隴津集

盧照鄰

落落樹陰紫澄澄水華碧復有翻飛禽徘徊疑曳鳥

曉

唐

賀知章

故鄉杳無際江臯聞曙鐘始見沙上鳥猶埋雲外峰

木蘭柴

唐

王維

秋山斂餘照飛鳥逐前侶
彩翠時分明夕嵐無處所

鳥鳴澗

王維

人間桂花落夜靜春山空
月出驚山鳥時鳴春澗中

竹里館

唐

裴迪

來過竹里館日與道相親
出入惟山鳥幽深無世人

江行雜詩

唐

錢起

渚禽菱芡足不向稻梁爭
靜宿深灣月應無失侶聲

贈同遊者

唐

韓愈

喚起窓全曙，催歸日未西。
無心花裏鳥，更與盡情啼。

晚望

唐

白居易

江城寒角動沙洲，夕鳥還獨在高亭上。
西南望遠山

谿居

唐

裴度

門逕俯清谿，茅檐古木齊。
紅塵飄不到，時有水禽啼。

獨望

唐

司空圖

綠樹連邨暗黃花，出陌稀遠陂春草綠。
猶有水禽飛

雜詩絕句

宋 梅堯臣

岸旁草樹密往往不知名其間有啼鳥似與船相迎

春日

宋 楊萬里

春醉非關酒郊行不問途青天何處了白鳥入空無

和韋蘇州秋齋獨宿

金 趙秉文

冷暈侵殘燭雨聲在深竹驚鳥時一鳴寒枝不成宿

郊居寓目隨事輒題

元 袁 易

把酒清江上扁舟送夕暉行雲杯裏度白鳥鏡中飛

問梅閣

明

高啟

問春何處來春來在何許月墮花不言幽禽自相語

曉發山驛

高啟

風殘杏花曉馬上聞啼鳥茅店未開門山多住人少

題翎毛小景

明

錢宰

紅子秋樹老黃花晚節寒幽禽雙白頰託爾一枝安

題花木翎毛畫

明

葉子奇

濛濛花上霧五月海榴紅幽禽弄晴晝葉底聽惺惚

散步

明

魯鐸

細草緣蹊軟晴朝步履遲往來深樹裏啼鳥不曾知

宿華亭寺

明

楊慎

花樹高于屋紅霞夜照人聲聲枝上鳥也似惜餘春

桃花小禽圖

明

僧德祥

簷外雨初晴幽禽四五聲桃花無限思留客看清明

六言絕句

清明別墅小集

宋

孫覲

兀兀三杯卯困昏昏一枕春融酒醒落花風裏夢回啼
鳥聲中

楊氏山莊

明
高啟

斜陽流水幾里啼鳥空林一家客去詩題柿葉僧來供
煮藤花

舟中偶成

明
史鑑

清澤莊頭釣艇奉先院裏禪牀綠樹數聲啼鳥青山一
抹斜陽

七言絕句

解悶

唐

杜甫

草閣柴扉星散居，浪翻江黑雨飛初。
山禽引子哺紅果，谿女得錢留白魚。

桂江中題香臺頂

唐

劉言史

岩岩香積凌空翠，天上名花落幽地。
老僧相對竟無言，山鳥却呼諸佛字。

題大安池亭

唐

雍陶

幽島曲池相掩映
小橋虛閣半高低
好風好月無人宿
夜夜水禽船上棲

王官

唐

司空圖

荷塘煙罩小齋虛
景物皆宜入畫圖
盡日無人只高卧
一雙白鳥隔紗厨

越鳥

唐

鄭谷

背霜南鴈不到處
倚棹北人初聽時
梅雨滿江春草歇
一聲聲在荔枝枝

水鳥

唐

吳融

煙爲行止水爲家
兩兩三三睡暖沙
爲謝離鸞兼別鵠
如何禁得向天涯

晏起

唐

韋莊

爾來中酒起常遲
卧看南山改舊詩
閉戶日高春寂寂
數聲啼鳥上花枝

幽居春思

韋莊

綠映紅藏江上邨
一聲雞犬似仙源
閉門盡日無人到

翠羽春禽滿樹喧

聞春鳥

韋莊

雨晴春鳥滿江邛還似長安舊日聞
紅杏花前應笑我
我今憔悴亦羞君

訪陳處士

宋

蔡襄

橋畔修篁下碧谿君家元在此橋西
來時不似人間世
日暖花香山鳥啼

從尹師魯飲香山石樓

蔡襄

霜後丹楓照曲隄
酒闌明月下前谿
石樓夜半空中笑
驚起飛禽過水西

金陵即事

宋

王安石

昏黑投林曉更驚
背人相喚百般鳴
柴門長閉春風暖
事外還能見鳥情

隨意

王安石

隨意柴荆手自開
沿岡度塹復登臺
小橋風露扁舟月
迷鳥羈雌竟往來

書辨才白雲堂壁

宋 蘇軾

不辭清曉叩松扉，却值支公久不歸。
山鳥不鳴天欲雪，卷簾惟見白雲飛。

絕句

宋 陳師道

密密丹房疊疊花，一枝臨路爲人斜。
丁寧語鳥傳春意，白下門東第幾家。

晚雪湖上

宋 文同

朔風吹雪滿橫湖，衆鳥歸栖日欲晡。
獨坐水軒人不到，

滿林如挂暝禽圖

七月十六日題南禪院壁

宋

張耒

秋林落葉已斑斑
秋日當庭尚掩關
掃榻晝眠聽鳥語
可知身世此時間

聽鳴禽

張耒

流滯江邊鬢已霜
又聞春鳥啁朝陽
他時北去懷陳迹
寒竹疎梅黃土岡

曉雨

張耒

輕陰江上千峰秀
小雨牆邊百草生
惟有春禽慰孤客
曉啼渾似故園聲

閒居

宋

陳造

種桃接李不辭勤
旋作花前把酒人
羨煞文禽映花語
飛來趁得見成春

春日

宋

陳與義

朝來庭樹有鳴禽
紅綠扶春上遠林
忽有好詩生眼底
安排句法已難尋

吳門道中

宋

孫覲

一點炊煙竹裏邨人家深閉雨中門
數聲好鳥不知處
千丈藤蘿古木昏

遊金沙寺寺有陸希聲侍郎讀書堂在顚山上

孫覲

綠筍遺芭半出籬清谿一曲翠相迷
古苔稱意壞牆滿
好鳥盡情深樹啼

偶作

宋

程俱

薰風習習動林光
紫翠陰中草木香
山鳥一聲清晝永
白雲深處北窓涼

野望

宋
朱子

登高立馬瞰晴川
四面平林接暝煙
東望可堪頻極目
歸心已度鳥飛前

睡覺

宋
范成大

尋思斷夢半瞢騰
漸見天窓紙瓦明
宿鳥噪羣穿竹去
縣前猶自打殘更

窓下戲詠

宋

陸游

飛來山鳥語惺惚却是幽人半睡中新竹成陰無彈射
不妨同向北窓風

蚤行鳴山

宋

楊萬里

淡淡清霜薄薄冰曉寒端爲作新晴殷勤喚醒梅花睡
枝上春禽一兩聲

携家小歇嚴州建德縣簿廳曉起

楊萬里

不堪久客只思歸
曉起巡檐強撚髭
偶聽梅梢啼一鳥
舉頭立看獨多時

歸途過銅官山

宋戴昺

山徑崎嶇落葉黃
青松疎處漏斜陽
鳴禽無數聲相應
一陣微風野菊香

高陽道中

金劉汲

杏花開過野桃紅
榆柳中間一徑通
禽鳥不呼邨塢靜
滿川煙雨淡濛濛

即事

金

劉昂

山花山雨相兼落，谿水谿雲一樣閒。
野店無人問春事，酒旗風外鳥關關。

扇圖

金

許古

雲壓谿塘小雪春，融融和氣浥輕塵。
山禽共作梅花夢，物性由來嬾是真。

草堂春暮橫披

金

馮璧

遷客倚樓家萬里，五陵飛鞚酒千金。
草堂淡與青山對，

幽鳥一聲春已深

憶舊

金
曹用之

花鳥巡檐喚曉晴
喚來和氣滿春城
春風二十年前客
煮酒青梅也後生

雜詩

金
劉豫

竹塢人家瀕小谿
數枝紅杏出疎籬
門前山色帶煙重
幽鳥一聲春日遲

全氏小樓與南山相對
殆几案間物也
暇日觴

予其上索賦鄙作因口占三絕句

錄一

元
王惲

東籬遙見喜悠然
況在風煙咫尺間
滿勸銀杯留客醉
夕陽佳處鳥飛還

春盡

元
劉因

草閣垂簾晝掩扉
客來知我出門稀
鳥鳴淡與人相對
花落方知春已歸

懷德清別業

元
趙孟頫

陽林堂下百株梅傲雪凌寒次第開枝上山禽曉啁哳
定應喚我早歸來

晚訪仲章不遇

元
袁 桷

小院春濃落照間碧篁相對乳禽還晚風陣歇遊絲盡
留得歸雲在屋山

閩浙之交

元
馬祖常

路入閩中盡翠微家家蕉葛作秋衣石牆遮竹松圍屋
時有丹禽哺子歸

黃華山中

元 許有壬

道人邂逅一開顏，爲借筇枝策我孱。
鳥語留人還小住，晚風吹破水中山。

睡起偶成

元 許楨

賦詩舒嘯杖藜行，水色山光不世情。
醉卧午窓誰喚醒，柳陰啼鳥兩三聲。

徽宗畫梨花青禽圖

元 虞集

宿雨初收禁林寂，玉斧臨窓看春色。
蒺藜沙上暖塵飛，

何處人間作寒食

桃花幽禽圖

元 陳旅

金塘花竹灩春紅
枝上幽禽弄暖風
莫把殘英都蹴盡
無情流水畫橋東

題雪禽

元 李祁

幽禽棲穩棘枝低
黯慘江天雪四圍
明日郊原晴爛漫
好尋芳樹弄毛衣

絕句

元 倪瓚

醉喚吳姬舞蹋筵風闌花陣亦回旋愁生細雨寒煙外
詩在青蘋白鳥邊

雨中春望

明

高啟

郡樓高望見江頭油壁行春事已休落盡棠梨寒食雨
只應啼鳥不知愁

過北塘道中

高啟

渺渺一徑兩陂間楊柳初發水潺潺驚魚忽散人影盡
啼鳥時來春意闌

棘竹三禽圖

高啟

棘枝疎瘦竹枝低
三鳥寒多每並棲
月落山空秋夢斷
不知誰箇最先啼

三十六灣

明
楊士奇

湘陰縣南江水斜
春來兩岸無人家
深林日午鳥啼歇
開徧滿山紅白花

次錢文伯題雲林詩韻

明
沈應

紅葉橋邊草舍低
半灘斜照水平谿
舊時曾記求詩過

疎雨桐花幽鳥啼

舟中暮歸

明張泰

斷柳殘沙不掩堤
葦叢幽稱水禽棲
半江斜照將秋色
相送歸船到竹谿

初晴

明陳憲章

初晴樓上燕飛飛
樓下歌人白苧衣
一曲未終花落去
滿林啼鳥送春歸

喜晴

陳憲章

西林收雨鷓鴣靈卷被開窓對曉晴風日醉花花醉鳥
竹門啼過兩三聲

題畫

明
沈周

愛是垂楊嫩綠齊放舟遲日弄春谿滄浪自唱無人和
飛過水禽能一啼

其二

碧水丹山映杖藜夕陽猶在小橋西微吟不道驚谿鳥
飛入亂雲深處啼

放苑內諸禽

明

陳沂

多年調養在雕籠
放出初飛失舊叢
祇爲恩深不能去
朝來還繞上陽宮

題畫

明

龔用卿

獨向江頭坐釣磯
浮嵐空翠照春衣
臨流回首看歸鳥
高樹無風山葉飛

聞鳥

明

陳淳

重重煙樹鎖招提
野客來尋路不迷
纔過板橋塵土隔

落花無數鳥爭啼


雨晴

明

夏雲英

海棠初種竹新移
流水潺潺入小池
春雨乍晴風日好
一聲啼鳥過花枝

御定佩文齋詠物詩選卷四百二十一



總校官庶吉士臣侍朝

校對官檢討臣王坦修

謄錄監生臣吳紹恩

謄錄監生臣梅德

欽定四庫全書薈要

集部

御定詠物詩選卷四百二十六

二至
六

欽定四庫全書蒼要卷一萬九千四十四

集部

御定佩文齋詠物詩選卷四百二十二

鳳類

附鸞



四言古

鳳頌

吳

薛綜

猗與石磬金聲玉振先王搏拊以正五音百獸翔感儀
鳳舞麟在昔堯舜斯磬乃臻宗廟致敬乃肯來顧贊揚
聖德上下受祚

五言古

贈從弟

魏

劉楨

鳳凰集南岳徘徊孤竹根於心有不厭奮翅凌紫氛豈
不常勤苦羞與黃雀羣何時當來儀將須聖明君

賦得威鳳棲梧

陳

張正見

丹山下威鳳來集帝梧中欲舞春花落將飛秋葉空影
照龍門水聲入洞庭風別有將雛曲翻更合絲桐

古意

唐

王績

彩鳳將欲歸提羅出郊訪羅張大澤已鳳入重雲颺朝
棲崑閭木夕飲蓬壺漲問鳳那遠飛賢君坐相望鳳言
荷深德微禽安足尚但使雛卵全無令矰繳放皇臣力
牧舉帝樂簫韶暢自有來巢時明年阿閣上

鳳凰曲

唐

李白

羸女吹玉簫吟弄天上春青鸞不獨去更有携手人影
滅彩雲斷遺聲落西秦

古風

李白

鳳飢不啄粟所食惟琅玕焉能與羣雞刺促爭一餐朝
鳴崑丘樹夕飲砥柱湍歸飛海路遠獨宿天霜寒幸遇
王子晉結交青雲端懷恩未得報感別空長歎

雜詩呈逢原

宋

孫覺

鴻雁最知時未逃羅與網不能忘稻粱千里安得往鳴
蜩腹空虛見啄因其響丹鳳穴九霄虞人常夢想

鳳池

宋

蔡襄

靈禽不世下想像成羽翼但願醴泉飲豈復高梧息似

有飛鳴心六合定何適

翩翩紫鳳雛送方希直赴漢中教授

明

鄭居貞

翩翩紫鳳雛羽翮備五彩徘徊千仞翔餘音散江海于
焉覽德輝濟濟鏘環珮天門何嵯峨羣仙久相待晨沐
晞朝陽夜息飲沆瀣如何復西飛去去秦關外岐山諒
非遙啄食良自愛終當巢阿閣庶以鳴昭代

浴鳳沼

明

程本立

鳳鳥從何來來止桐谿傍錦毛濯春雨彩翮晞朝陽蘋藻動浮彩蘭芷吹幽香鳳去今不返空餘鷗鷺行

七言古

附長短句

儀鳳歌

周

成王

鳳凰翔兮于紫庭予何德兮以感靈賴先人兮恩澤臻于胥樂兮民以寧

鸞

漢

崔駰

鸞鳥高翔時來儀應治歸德合望規啄食竹實飲華池

鳳凰臺

元
岑安卿

萬里長江東入海千年高臺今尚在當時誰道鳳凰來
覽德何人足相待鳳聲悠悠梧葉空謫仙文采流長虹
跨鯨一去不復返後人欲語羞雷同海上三山渺何許
羣仙騎鳳隔風雨登臨空詠謫仙詩白鷺斜飛過秋浦

神鳳操

明
太祖

鈞天奏兮列丹墀俄翩翩兮鳳凰儀
斂翺翔兮棲梧枝
彼觀德兮直爲我辭

五言律

詠鳳

唐

李嶠

有鳥居丹穴其名曰鳳凰九苞應靈瑞五色成文章屢
向秦樓側頻過洛水陽鳴岐今日見阿閣佇來翔

鸞鳳

唐

李商隱

舊鏡鸞何處衰桐鳳不棲金錢饒孔雀錦段落山雞王
子調清管天人降紫泥豈無雲路分相望不應迷

五言排律

儀鳳

唐
楊嗣復

八方該帝澤威鳳忽來賓向日朱光動迎風翠羽新
低昂多異趣飲啄迫無鄰郊藪今翔集河圖意等倫
聞韶知鼓舞偶聖願逡巡比屋初同俗垂恩擊壤人

七言律

鳳洞

元
張雨

第幾峰前蒼玉洞何年于此鳳求凰梧枝宿久毛皆變
竹實餐多髓亦香露濕紫苔春似錦月明丹穴夜生光

我亦鵲行舊儔侶雲中有路共迴翔

五言絕句

舞

唐

虞世南

繁絃奏淥水長袖轉迴鸞一雙俱應節還似鏡中看

酬人失題

唐

盧綸

孤鸞將鶴羣晴日唳春雲何幸晚飛者清音長此聞

深竹堂

元

納新

一笏清涼地森森萬玉齊月明時倚杖閒看鳳來棲

七言絕句

襄陽爲盧竇紀事

唐

元稹

花枝臨水復臨堤，閒照江流亦照泥。
千萬春風好擡舉，夜來曾有鳳凰棲。

步虛詞

唐

朱澤

十二樓藏玉堞中，鳳凰雙宿碧芙蓉。
流霞淺酌誰同醉，今夜笙歌第幾重。

鳳

唐

李商隱

萬里峰巒歸路迷未判容彩借山雞
新春定有將雛樂
阿閣華池兩處棲

寄酬韓冬郎兼呈畏之員外
李商隱

十歲裁詩走馬成冷灰殘燭動離情
桐花萬里丹山路
雛鳳清於老鳳聲

上清

唐
陸龜蒙

玉林風露寂寥清
仙妃對月閒吹笙
新篁冷澀曲未盡
細拂雲枝棲鳳驚

題歐陽原功少監家柯敬仲畫

元
虞集

洛陽日日水生波
翠袖黃裳晚棹過
珠樹月明花婀娜
鳳毛春暖錦婆娑

紀夢

元
楊載

紛紛鸞鶴滿虛空
耳畔如聞渡海風
直上雲霄千萬里
此身飛入紫薇宮

遊三茅華陽諸洞

元
宋元

冠帶寒星帔剪霞步虛去宴玉宸家醉歸却跨青鸞下
衝落碧桃無數花

題黃筌竹鸞圖

竹有實

元 陳旅

一窓晴色綠猗猗羣雀飛來占好枝此竹幾年方結實
空山秋晚鳳雛飢

輦下曲

元 張昱

五垓千陛立朝廷檻首銅鵬一丈翎不待來儀威鳳至
日聞韶籥渡在青冥

閨情

明金誠

欲剪紅霞作舞衣
薄雲涼霧共霏霏
玉簫吹冷天邊月
只待乘鸞子晉歸

宮詞

明蔣山卿

君王新著紫霞裳
白玉冠簪八寶光
夜半碧壇星月冷
九天仙樂下鸞凰

御定佩文齋詠物詩選卷四百二十二

欽定四庫全書會要卷一萬九千四十五

集部

御定佩文齋詠物詩選卷四百二十三

孔雀類

七言古

孔雀圖

明
胡儼

有鳥有鳥名孔雀文采光華動揮霍修頸昂昂翠羽翹
大尾斑斑金錯落由來麗質產南方丹山碧水多翱翔
芭蕉花開風正軟枕柳葉暗日初長忽聞都護啼一聲

山中百禽皆不鳴松篁引韻笙竽奏顧影徘徊舞翅輕
炎荒暑熱時多雨尾重低垂飛不舉一朝籠養近簾幃
可憐猶妬美人衣永嘉謝環善寫生畫圖貌得邊鸞清
老眼摩挲石苔紫渾似枇杷樹底行

五言律

西川使宅有韋令公時孔雀存焉暇日與諸公
同玩座中兼故府賓妓興嗟者久之因賦此

詩用廣其意

唐
武元衡

荀令昔居此故巢留越禽動搖金翠尾飛舞玉池陰上
客撒瑤瑟美人傷蕙心會因南國使歸放海雲深

和武門下傷韋令孔雀

唐王建

孤號秋閣陰韋令在時禽覓伴海山黑思鄉橘樹深舉
頭聞舊曲顧尾惜殘金憔悴不飛去重君池上心

奉和武相公鎮蜀時詠使宅韋太尉所養孔雀

唐韓愈

穆穆鸞鳳友何年來止茲飄蕭失故態隔絕抱長思翠

角高獨聳金花煥相差坐蒙恩顧重畢命守堦墀

五言排律

和孫朴韋蟾孔雀詠

唐

李商隱

此去三梁遠今來萬里携西施因網得秦客被花迷可
在青鸚鵡非關碧野雞約眉憐翠羽刮膜想金甌瘴氣
籠飛遠蠻花向座低輕于趙皇后貴極楚懸黎都護矜
羅幕佳人炫繡袿屏風臨燭釵捍撥倚香臍舊思牽雲
葉新愁待雪泥愛堪通夢寐畫得不端倪地錦排蒼雁

簾釘鏤白屏，曙霞星斗外。
涼月露盤西，妬好休誇舞。
經寒且少啼，紅樓三十級。
穩穩上丹梯。

七言律

孔雀

唐

李郢

越鳥青春好顏色，晴軒入戶看沾衣。
一身金翠畫不得，萬里山川來者稀。
絲竹慣聽時獨舞，樓臺初上欲孤飛。
刺桐花謝芳草歇，南國同巢應望歸。

和皮襲美孔雀

唐

陸龜蒙

卷四 五十二
懶移金翠傍檐楹斜倚芳叢舊態生惟奈瘴煙籠飲啄
可堪春雨滯飛鳴鴛鴦水畔回頭羨豈蕊圖前舉眼驚
爭得鷓鴣來伴著不妨還校有心情

七言絕句

元宮詞

明

朱有燾

海晏河清罷虎符閒觀翰墨足歡娛內中獨名王淵畫
搦得黃筌孔雀圖

御定佩文齋詠物詩選卷四百二十三

欽定四庫全書薈要卷一萬九千四十六

集部

御定佩文齋詠物詩選卷四百二十四

鶴類

五言古

詠懷

魏
阮籍

鴻鵠相隨飛飛飛適遐裔雙翮臨長風須臾萬里逝朝
餐琅玕實夕宿丹山際抗身青雲中網羅孰能制豈與
鄉曲士携手共言誓

賦得舞鶴

梁簡文帝

來自芝田遠飛度武谿深振迅依吳市差池逐晉琴奇
聲傳迴澗動翅拂花林欲知情外物伊洛有清潯

飛來雙白鶴

梁元帝

紫蓋學仙成能令吳市傾逐舞隨疎節聞琴應別聲集
田遙赴影隔霧近相鳴時從洛浦渡飛向遼東城

主人池前鶴

梁吳均

本是乘軒者爲君塔下禽摧藏多好貌清唳有奇音稻

梁惠既重華池遇亦深懷恩未忍去非無江海心

詠鶴

陳陰鏗

依池屢獨舞對影或孤鳴乍動軒墀步時轉入琴聲

送王明府參選賦得鶴

唐駱賓王

振衣遊紫府飛蓋背青田虛心恒警露孤影尚凌煙離
歌悽妙曲別操繞繁絃在陰如可和清響會聞天

黃鶴

唐沈佺期

黃鶴佐丹鳳不能羣白鵬拂雲遊四海弄影到三山遙

憶君軒上來下天池間明珠世不重知有報恩環

宣城長史弟昭贈余琴谿中雙舞鶴詩以見志

唐

李白

令弟佐宣城贈余琴谿鶴謂言天涯雪忽向窓前落白
玉爲毛衣黃金不肯博背風振六翮對舞臨山閣顧我
如有情長鳴似相託何當駕此物與爾騰寥廓

謝王郎中贈琴鶴

唐

顧況

此琴等焦尾此鶴方胎生赴節何徘徊理感物自并獨

立江海上彈天地清朱絃動瑤華白羽飄玉京因想
羨門輩眇然四體輕子喬翔鄧林王母游層城忽如啟
靈署鸞鳳相和鳴何由玉女牀去食琅玕英

曉鶴

唐

孟郊

曉鶴彈古舌婆羅門呌音應吹天上律不使塵中尋虛
空夢皆斷歎啼安能禁如開孤月口似說明星心既非
人間韻枉作人間禽不如相將去碧落窠巢深

感鶴

唐

白居易

鶴有不羣者飛飛在野田飢不啄腐鼠渴不飲盜泉貞
姿自耿介雜鳥何翩翾同遊不同志如此十餘年一興
嗜慾念遂爲矰繳牽委質小池內爭食羣雞前不惟懷
稻粱兼亦競腥羶不惟戀主人兼亦狎烏鳶物心不可
知天性有時遷一飽尚如此况乘大夫軒

代鶴

白居易

我本海上鶴偶逢江南客感君一顧恩同來洛陽陌洛
陽寡族類皎皎惟兩翼貌是天與高色非日浴白主人

誠可戀其奈軒庭窄飲啄雜雞羣年深損標格故鄉渺
何處雲水重重隔誰念深籠中七換摩天翮

鶴屏

唐
陸龜蒙

時人重花屏獨即胎化狀叢毛練分彩疎節筇相望曾
無氎氎態頗得連軒樣勢擬搶高尋身猶在函丈如憂
雞鶩鬪似憶煙霞向塵世任縱橫霜襟自閒放空資明
遠思不待浮丘相何由振玉衣一舉棲瀛閭

鶴屏

唐
皮日休

三幅吹空殼孰寫仙禽狀

或作
髀

耳側以聽赤睛曠如

望引吭看雲勢翹足臨池樣頗似近蓐席還如入方丈
盡日空不鳴窮年但相向未許子晉乘難教道林放貌
既合羽儀骨亦符法相願升君子堂不必思崑閭

遇旅鶴

唐

孫昌頴

靈鶴產絕境昂昂無與儔羣飛滄溟曙一叫雲山秋野
性方自得人寰何所求時因戲祥風偶爾來中州中州
帝王宅園沼深且幽希君惠稻粱欲拜離丹丘不然奮

飛去將適汗漫遊肯作池上鷺年年空沈浮

李生畫鶴

宋文同

昂昂青田姿杳杳在輕素一身萬里意雙目九霄顧
鈇羽翮利竦竦骨節露君初本誰學我恐必神悟得于
想像外看在絕筆處稷筌如復生相與校獨步

都城南有道者居名松鶴堂暇日同東平王繼
學爲避暑之遊因作松鶴聯句

元馬祖常

偃雲聳層霄警露落古雪虬枝喜垂澗鷺羽陋鳴埵蟠

石千歲苓頂朱百齡血胎禽哺春巢乳脂凝沍節舞蓋

竽籟喧啄粒苔蘚蓄玄玉熏麝煤碧脰隘雞堞陟岳秦

爵崇授甲衛軒劣沐髮豹霧深引吭鳳竹裂風馭八極

小河舟三翼拙魯縞曳襪襪夏社挺截薛任重明堂材

言歸華表別拳縮包胥立堅剛伯夷烈延世餌方液顧

步炫高潔作室擅茲美觀物入獨閱逝將束囊書從爾

解珮玦

部中鶴

明
湯顯祖

曲臺雙白鶴日賦十餐錢良爲升合資留滯江海年傳
呼卿出入引吭飛舞前軒墀看鶴人時與小翩翹鳳凰
猶可飼安得羽中仙

題鶴軒圖

明
僧道衍

幽人適野意崇軒起山隈涼風響澗木晴霞明砌苔荆
扉夕不掩多應放鶴來

七言古

附長短句

畫鶴篇

唐 錢起

點素凝姿任畫工，霜毛玉羽照簾櫳。
借問飛鳴華表上，何如粉纈綵屏中。
文昌宮近芙蓉闕，蘭室綢繡香且結。
鑪氣朝成綏嶺雲，銀燈夜作華亭月。
日暖花明梁燕歸，應驚片雪在仙闈。
主人顧盼千金重，誰肯徘徊五里飛。

獨鵲吟

唐 李咸用

碧玉喙長丹頂圓，亭亭危立風松間。
啄萍吞鱗意已閒，舉頭咫尺輕重天。
黑翎白本排雲煙，離羣脫侶孤如仙。

披霜唳月驚嬋娟逍遙忘却還青田
爲寒鴉晚空相喧
時時側耳清泠泉

畫鶴

元虞集

薛公少保昔畫鶴毛羽蕭條向寥廓
通泉縣壁久微茫
故物都非況城郭長鳴闊步貌閒暇
解寫高情亦奇作
田中芝草日應長石上松花晚猶落
赤壁江深孤月小
白雲野迴秋霄薄
羣帝相從絳節朝
八公許製黃金藥
誤嬰塵網迹易迷
移名中州夢如昨
借懸素壁憶真侶

忽有微風動林壑碧虛寥寥積雪高直過蕭臺絕樓泊

雙鶴吟寄友人

元馬臻

依依兩白鶴歲久住青田一鶴垂兩翅飲啄沙汀煙一
鶴展長翮冥冥自冲天思之不可見獨立秋風前有時
月夜羣動息孤唳一聲山水碧凝眸側頸復徘徊影落
空林風露濕故人獨抱經濟才淵珠炯炯光難埋江南
地暖梅花開折花待君君不來梅花歲歲開又落空向
梅邊詠雙鶴

五言律

附小律

詠鶴

唐

李嶠

黃鶴遠聯翩從鸞下紫煙翱翔一萬里來去幾千年已
憇青田側時遊丹禁前莫言空警露猶冀一聞天

池邊鶴

唐

儲光羲

舞鶴傍池邊水清毛羽鮮立如依岸雪飛似向池泉江
海雖言曠無如君子前

和裴相公寄白侍郎求雙鶴

唐

劉禹錫

皎皎華亭鶴來隨太守船青雲意長在滄海別經年留
滯清洛苑徘徊明月天何如鳳池上雙舞入祥煙

答裴相公乞鶴

唐

白居易

警露聲音好冲天相貌殊終宜向遼廓不稱在泥塗白
首勞爲伴朱門幸見呼不知疎野性却愛鳳池無
劉蘇州以華亭一鶴遠寄以詩謝之

白居易

老鶴風姿異衰翁詩思深素毛如我髻丹頂似君心松

際雪相映雞羣塵不侵殷勤遠來意一隻重千金

聞雲中鶴唳

唐
章孝標

久在青田唳天高忽暫聞翩翩縈碧落嘹唳入重雲出
谷驚何待鳴岐鳳欲羣九臯寧足道此去透網緼

別鶴

唐
杜牧

分飛共所從六翮勢摧風聲斷碧雲外影孤明月中青
田歸路遠丹桂舊巢空矯翼知何處天涯不可窮

池州封負外郡齋雙鶴丹頂霜翎仙態浮曠罷

政之日因呈此章

唐

李羣玉

瀟灑二白鶴對之高興清寒谿侶雲水朱閣伴琴笙顧
慕稻梁惠超遙江海情應携帝鄉去仙闕看飛鳴

購鶴

元

張養浩

野處幽獨甚千金得令威挾雲出塵網領月到柴扉縻
足妨鵬去遮亭使學飛至今湖上路樹石亦光輝

題江仲暹聽鶴亭

明

張以寧

仙鶴在人世長鳴思遠空有人秋水倚杖月明中玉

樹三更露銀河萬里風徘徊意無極遲爾出樊籠

五言排律

郡中每晨興見羣鶴東飛至暮又行列而返哢
吮雲路甚和樂焉余愧獨處江城常目送此
鶴意有所羨遂賦以詩

唐

張九齡

雲間有數鶴撫翼意無違曉日東田去宵煙北渚歸歡
呼良自適羅列好相依遠集長江靜高翔衆鳥稀豈煩
仙子馭何畏野人機却念乘軒者拘留不得飛

黃鵠下太液池

唐
賈島

高飛空外鵠下向禁中池岸印行踪淺波搖立影危來
從千里島舞拂萬年枝踉蹌孤風起徘徊水沫移幽音
清露滴野性白雲隨太液無彈射靈禽翅不垂

候山鶴

唐
張仲素

羽客驂仙鶴將飛駐碧山映松殘雪在度嶺片雲還清
唳因風遠高姿對水閒笙歌憶天上城郭歎人間幾變
霜毛潔方殊藻質斑蓬瀛如可到逸響詎能攀

鶴警露

唐

陳季

南國商飈動風臯野鶴鳴谿松寒暫宿露草滴還驚欲
有高飛意空聞召侶情雲間傳藻質月下引清聲未假
搏扶勢焉知羽翼輕吾君開太液願得應皇明

鶴鳴九臯

唐

闕名

胎化呈仙質長鳴在九臯排空散清唳映日委霜毛萬
里思寥廓千山望鬱陶香凝光不見風積韻彌高鳳侶
攀何及雞羣思忽勞升天如有應飛舞出蓬蒿

七言律

送鶴與裴相臨別贈詩

唐

白居易

司空愛爾爾須知不信聽吟送鶴詩
羽翮勢高寧惜別
稻粱恩重莫愁飢
夜棲少共雞爭樹
曉浴先饒鳳占池
穩上青雲勿回顧
的應勝在白家時

鶴池

白居易

高竹籠前無伴侶
亂雞羣裏有風標
低頭乍恐丹砂落
晒翅長疑白雪消
轉覺鷗鷺毛色下
苦嫌鸚鵡語聲嬌

臨風一唳思何事，悵望青田雲水遙。

憶放鶴

唐

李紳

羽毛似雪無瑕點，顧影秋池舞白雲。
閒整素儀三島近，迴飄清唳九霄聞。
好風順舉應摩日，逸翮將成莫戀羣。
凌厲坐看空碧外，更憐鳬鷺老江濱。

台州鄭負外郡齋雙鶴

唐

朱慶餘

丹頂分明音響別，況聞來處隔雲濤。
情懸碧落飛何晚，立近清池意自高。
向夜雙棲驚玉漏，臨軒對舞拂朱袍。

仙郎爲爾開籠早莫慮迴翔損羽毛

鄭侍御廳玩鶴

唐

許渾

碧天飛舞下晴莎金閣瑤池絕網羅巖響數聲風滿樹
岸移孤影雪凌波緱山去遠雲霄迴遼海歸遲歲月多
雙翅一開千萬里祇應棲隱戀喬柯

失鶴

唐

李遠

秋風吹却九臯禽一片閒雲萬里心碧海有情應悵望
青天無路可追尋初來白雪翎猶短欲去丹砂頂漸深

華表柱頭留語後更無消息到如今

山陽盧明府以雙鶴寄遺伯氏以詩爲答因寄

和

唐

趙嘏

緱山雙去羽翰輕應爲仙家好弟兄
茅固枕前秋對舞
陸雲谿上夜同鳴
紫泥封處仍回首
碧落歸時莫問程
自笑滄江一漁叟
何由似爾到層城

鶴

唐

鄭谷

一自王喬放自由
俗人行處懶回頭
睡輕旋覺松花墮

舞罷閒聽澗水流羽翼光明欺積雪風神灑落占高秋
應嫌白鷺無仙骨長伴漁翁宿葦洲

謝丹陽李公素學士惠鶴

宋韓琦

高籠携得意何勤玉樹慚無可待君只愛羽毛欺白雪
不知魂夢託青雲孤標直好和松畫清唳偏宜帶月聞
自有三山歸去路莫辭時暫處雞羣

鶴

元宋无

毛骨珊珊白雪清千年世上頂丹成晴飛碧落秋空闊

露立瑤臺夜月明仙島雲深歸有信天壇花落步無聲
時來華表何人識依舊翻身上玉京

和詠鶴

元

李祁

老去曾看相鶴經暫從華館試伶俜幾年養就丹砂頂
竟日間梳白雪翎萬里壯心原自許九霄清唳好誰聽
神仙舊侶知何在遙望蓬萊一點青

來鶴詩贈周元初

元

沈右

緘誠上達魏元君俄頃神霄下鶴羣頂煉大還丹鼎火

翅霑南嶽嶺頭雲
仙人騏驎秋風遠
王子笙簫午夜聞
惆悵世間留不住
却驂鸞鳳出霞雰

周元初來鶴詩

明鄭洪

綠章朝帝駕雲車
白鶴從天下玉除
赤壁已無身後夢
丹丘應有寄來書
五鬣松陰秋落落
三花樹影夜疎疎
琴心三疊蓬萊淺
兩翼剛風響珮裾

鶴舞

明邵寶

誤向丹丘共羽流
多情今得此亭幽
長鳴似與高人語

屢舞誰於醉客求風羽九達能抗晚野心萬里欲橫秋
試將衣袖間招引轉盡花陰意未休

野鶴

明

朱之蕃

勁翮凌風掠遠雲一聲清唳九霄聞巢松不戀乘軒寵
警露時留篆籀文注頂丹成迎日彩昂身玉立出雞羣
朝元應待仙真御隱映青山白雪紛

五言絕句

詠省壁畫鶴

唐

宋之問

粉壁圖仙鶴昂藏真氣多
騫飛竟不去當是戀恩波

田鶴

唐

錢起

田鶴望碧霄無風亦自舉
單飛後片雲早晚及前侶

田鶴

唐

司空曙

散下渚田中隱見菰蒲裏
和鳴自相應欲作凌風起

鶴

唐

白居易

人各有所好物固無常宜
誰謂爾能舞不如閒立時

鶴雛

唐

姚合

白毛生未足嶢峭醜于雞每夜穿籠出搗衣砧上棲

即事

唐

司空圖

茶爽添詩句天清瑩道心只留鶴一隻此外是空林

修竹塢

明

高啟

色映谿沈沈秋雲生夕陰無限楚山意鶴鳴風滿林

六言絕句

爲曾高士畫湖山舊隱

元

倪瓚

厭聽殘春風雨卷簾坐看青山波上鷗浮天遠林間鶴

帶雲還

七言絕句

寄劉尊師

唐

韋應物

世間荏苒縈此身長望碧山到無因白鶴徘徊看不去
遙知下有清都人

酬令狐相公見寄

唐

劉禹錫

羣玉山頭住四年每聞笙鶴看諸仙何時得把浮丘袖
白日將昇第九天

崔駙馬養鶴

唐
張籍

身閒無事稱高情
已有人間章句名
求得鶴來教剪翅
望仙臺下亦將行

有雙鶴留在洛中
忽見劉郎中
依然鳴顧劉
因爲鶴歎二篇
寄子予以二絕句答之

唐
白居易

辭鄉遠隔華亭水
逐我來栖緱嶺雲
慚愧稻粱長不飽
未曾迴眼向雞羣

其二

荒草院中池水畔
銜恩不去又經春
見君驚喜雙回顧
應爲吟聲似主人

問鶴

白居易

烏鶯爭食雀爭窠
獨立池邊風雪多
盡日跼冰翹一足
不鳴不動意如何

舟中夜坐

白居易

潭邊霽後多清景
橋下涼來足好風
秋鶴一雙船一隻

夜深相伴月明中

贈峨嵋山楊鍊師

唐

鮑溶

道士夜誦蕊珠經
白鶴下繞香煙聽
夜移經盡人上鶴
天風吹入秋冥冥

崔卿池上鶴

唐

賈島

月中時叫葉紛紛
不異洞庭霜夜聞
翎羽如今從放長
猶能飛起向孤雲

崔少卿鶴

唐

姚合

入門石徑半高低閒處無非是藥畦
致得仙禽無去意
花間舞罷洞中棲

放鶴

唐
雍陶

從今一去不須低見說遼東好去
栖努力莫辭仙客遠
白雲飛處免羣雞

憶鶴

唐
劉得仁

白絲翎羽丹砂頂曉度秋煙出翠微
來向孤松枝上立
見人吟苦却高飛

當軒鶴

唐

陸龜蒙

自笑與人乖好尚
田家山客共柴車
干時未似棲廬雀
鳥道間携相爾書

自河西歸山

唐

司空圖

水闊風高去路危
孤舟欲上更遲遲
鶴羣長繞三珠樹
不借閒人一隻騎

錢塘鶴

唐

吳仁璧

人間路靄青天半
鼉岫雲生碧海涯
雖抱雕籠密局鑰

可能長在叔倫家

鶴

唐

褚載

欲洗霜翎下澗邊
却嫌菱刺污香泉
沙鷗浦鴈應驚訝
一舉扶搖直上天

獨鶴

唐

韋莊

夕陽灘上立徘徊
紅蓼風前雪翅開
應爲不知棲宿處
幾回飛去又飛來

湖上雜詠

宋

鄒浩

華亭標格本青雲邂逅西湖秋復春作意一聲君會否
鵷鷺集處是真人

望少室

金
許安仁

名山都不見真形萬仞盤盤入杳冥安得雲間騎白鶴
下看三十六峰青

馴鶴圖

金
王子可

寢處粧鉛未捲釵孤雲花帶月邊來六宮簾幕金鑾冷
露濕晨煙啄翠苔

四安道中所見

元牟巖

生怕秋蟲稻把稀腰鎌爭出傍晴暉
尻高首下泥中鶴
啄得黃雲盡始歸

仙遊曲

元王惲

庭竹無人綠滿窓幽香和露濕霓幢
日長孤絕壇邊鶴
啄徧晴苔影一雙

偶成

元趙孟頫

竹林深處小亭開白鶴徐行啄紫苔
羽扇不搖紗帽側

晚涼青鳥忽飛來

記夢

元 楊載

四面青山擁翠微
樓臺相向闢天扉
夜闌每作遊仙夢
月滿瓊田萬鶴飛

遊三茅華陽諸洞

元 宋 无

淡染雲霞五色衣
杏壇朝罷對花披
洞中養隻千年鶴
長被仙人來借騎

爲彭道士賦鶴峰

元 陳旅

跨鶴臺高倚翠微昔人城郭是邪非
蕊珠宮觀秋如水
有客吹笙月下歸

縉谿道士

陳旅

縉雲谿上縉雲山春水流出桃花灣
白頭道士鶴爲馬
月明騎過居庸關

甲子七月廿二日忽坐後聞彈鶴

元

袁士元

鶴立高枝暫爾安多情游子挾金丸
老來還有冲霄志

莫作投林倦翮看

題畫

元 李 祁

浩浩蒼波天四圍
秋風一鶴夜來歸
祇應夢裏聞長笛
知是年時舊羽衣

六月五日偶成

元 倪 瓚

坐看青苔欲上衣
一池春水靄餘暉
荒邨盡日無車馬
時有殘雲伴鶴歸

雲巢鶴睡

元 葉 顯

煙梢深處穩棲翎
標格孤高迥出羣
只恐聽琴驚夢醒
踏翻松頂一巢雲

題雪景

明

藍仁

湖邊倒樹玉爲槎
樹底茅檐路半斜
飢鶴翅寒飛不去
伴人間立看梅花

送芸上人

明

程誥

行盡春山翠萬重
新林浦月坐聞鐘
橫江東去長鳴鶴
巢寄南朝第幾松

毛貞夫參政別余籠一白鶴與丹書一函見貽

即席戲成二絕答之

錄一

明

孫一元

竒路踉蹌自少塵白榆花落島中春主人應是浮丘伯
不惜仙禽借與人

朱真詩再爲慧虛度師恭譔

明

屠隆

寂寂花宮獨掩關
飈輪去只在前山
香清落日聞金磬
知是真人跨鶴還

其二

悄無人跡閉瑤房數卷丹書在石牀侵曉鶴翻松露冷
松花細細落衣裳

古道蒼望華亭

明

吳夢暘

沿江遙指白雲隈樹底空牀徧綠苔今夜道人來借宿
前峰先有鶴飛回

冬景

明

張宇初

養就還丹不怕寒獨騎黃鵠上雲端笑談借得天家雪
散作琪花滿石壇

夜坐

明僧清楚

寂寂虛堂獨坐時
小窓推起更思維
江城萬井煙花白
月到松頭鶴未知

宮詞

明沈瓊蓮

香霧濛濛罩碧窓
青燈的的燦銀缸
內人何處教吹管
驚起庭前鶴一雙

御定佩文齋詠物詩選卷四百二十四

欽定四庫全書薈要卷一萬九千四十七

集部

御定佩文齋詠物詩選卷四百二十五

錦雞類

七言古

錦雞

元周權

巴山靈鳥初離羣
歲粧麗組雲錦文
羽翎新刷爪距利
彩色勝似沙頭鴛
鴦晴暎入戶爛相射
嚙中有物垂紅碧
綬光若若花盤條
出示山童有矜色
文章固足媒爾身

雕籠拘束還悲辛區區啄飲豈不厚情深野樹谿雲春

錦雞

明楊基

暖風晴日融春晝閒看花陰雞吐綬綺縠都將綵羽妝
紅絲不待金針繡疊疊胭脂縷縷金龍文盤錯鳳紋深
憑誰剪作鴛鴦帶雅稱佳人翡翠衿

錦雞圖

明胡儼

昔聞楚人不識鳳忽見山雞重購之我今畫圖寫生態
羽毛五色光陸離扶桑天雞啼一聲陽鳥散彩天下晴

此時山雞亦出谷喔喔飛來耀林麓千巖萬壑含東風
杏花吹香春雪紅顧影徘徊自愛惜揚翹聳翅紛蒙茸
竹上花間日正高向陽吐綬垂花條吳綾蜀錦織不得
戴勝偷眼驚伯勞切莫臨谿照碧流對鏡逢人舞便休
舞多目眩終顛仆世人空詫韋公賦

四禽圖

明
李東陽

樛枝老樹幽巖裏山鷓雙棲掉長尾高鳴俯搦勢不停
似向春風矜爪觜山頭錦雞金作冠身披五采成斑斕

遠從紅日霽時見更向碧山深處看人言此物真絕特
同是山禽不同格休將綠水照毛衣祇恐桃花妬顏色
五言律

詠山雞

唐 溫庭筠

萬壑動晴景山禽凌翠微繡翎翻草去紅嘴啄花歸巢
暖碧雲色影孤清鏡輝不知春樹畔何處又分飛

山雞

唐 許渾

珍禽暫不局飛舞躍前庭翠網摧金距雕籠減繡翎月

圓疑望鏡花暖似依屏何必舊巢去山山芳草青

五言排律

賦得山雞舞石鏡

唐崔護

盧峯開石鏡人說舞山雞物象纖無隱禽情目自迷
景當煙霧歇心喜錦翎齊宛轉烏呈彩婆娑鳳欲棲
何言資羽族在地得天倪應笑翰名者終朝飲敗醯

七言律

錦雞

宋文同

高原濯濯弄春暉金碧冠纓綵繪衣石溜瀉煙晴自照
巖枝橫月夜相依有時勃窣盤跚舞忽地鈎輶格磔飛
寄語人間用矰繳瑤臺鸞鶴好同歸

御定佩文齋詠物詩選卷四百二十五